


一本堂行餘醫言

十五十六
痘 鼓脹

| 庫 | 文 | 閣 | 内 |
|---------|--------|--------|--------|
| 一九 函 | 二 冊 | 二 號 | 和 書 |
| 八 架 | 二 冊 | 三 號 | 類 |

| 内閣文庫 | |
|------|---------|
| 番號 | 和 22723 |
| 冊數 | 22 (16) |
| 函號 | 195 193 |





一本堂行餘醫言卷之十五

六十四

明治十三年購

香川修德太冲父 著

鼓脹附腹脹

鼓脹者止是腹大而急脹按之堅牢猶按鼓皮上雖則堅
空而中止空氣無物亦有似鼓故謂之鼓脹也其始只是
腹脹大餘處皮肉如常無異故不知者輕視終致不起而
是疾固以積漸而成皆是必死不治元由癥疝壅滯於腹
內使元氣不得順行元氣所不充蒙臟腑之外皮肉之內

行餘醫言

鼓脹

一

一本堂藏書

始凝空氣此即是疾之根基也。是空氣漸漸增展。前排腹皮後擠臟腑。日積月累。腹肚脹。脹網急。以指按之。隨手而起。其證始無所苦。惟覺腹微脹。飲食如常。若飲食差多。腹內支滿。腹或痛或不痛。或胃脘當心而痛。或兩脇下支痛。腹日脹。食日減。面及手足瘦削。肩背與胸骨立。獨腹脹急。牢大而後面及四肢浮腫。漸腫至大脹。與水脹不異。至是時也。固可謂之脹滿也。夫脹滿者。腫脹盈滿之謂也。故鼓脹水脹。其終俱可稱脹滿也。後世直以脹滿當鼓脹名者。

大謬矣。鼓脹始出素靈。

素問云。問曰。有病心腹滿。且食則不能暮食。此為何病。對曰。名為鼓脹。曰。治之奈何。曰。治之以雞矢醴。一劑知二劑已。曰。其時有復發者何也。曰。此飲食不節。故時有病也。雖然。其病且已時。故當病氣聚於腹也。腹中論

靈樞云。鼓脹何如。曰。腹脹。身皆大。大與膚脹等也。色蒼黃。腹筋起。此其候也。水脹篇 又云。足太陰之別名曰公孫。

實則腸中切痛。虛則鼓脹。經脈篇 ○按靈樞說。膚脹者全。



是水脹而說鼓脹與膚脹等者非也○千金方及外臺
祕要所引廣濟方同

後世以鼓蠱音同謬稱蠱脹其字本出千金方而其意則
異也蓋謂因蠱毒而腫脹也非鼓脹之謂也

千金方云有蠱脹但腹滿不腫水脹脹而四肢面目俱
腫大有醫者不善診候治蠱以水藥治水以蠱藥或但

見脹滿皆以水藥如此者仲景所云愚醫殺之水腫又
云世有拙醫見患蠱脹者遍身腫滿四肢如故小便不

甚繼以水病治之延日服水藥經五十餘日望得痊愈

日復增加奄至殞沒如此者不一學者當細尋方意消
息用之萬不失一條又云萬病圓治蠱注四肢浮腫

肌膚消索欬逆腹大如水狀死後轉易如家人一名蠱

脹方小品名雄黃丸一名萬病丸○此皆謂因蠱毒而腫脹可以見

也但孫氏以水腫鼓脹混同論說者非也又別有脹滿
條此亦非水脹鼓脹之脹滿也詳于千金方

况又由蠱字為蠱說則不可用蠱字必矣

朱震亨曰其病膠固難以治療故又名曰蠱若蟲侵蝕
 有蠱之義出方廣丹溪心法附餘徐春甫曰以其四肢皆不腫而
 惟腹中脹腫如鼓乃氣血結成蠱毒之形而不可解釋
 消散故又名曰蠱血化為蟲因字之義而命名也出古今醫
統李中梓曰在病名有鼓脹與蠱脹之殊鼓脹者中空
 無物腹皮綱急多屬于氣也蠱脹者中實有物腹形充
 大非蟲即血也出醫宗必讀三家皆強解大非孫氏所云之
 意其他此弊非一人不暇盡舉

後世醫書又直稱鼓或蠱者不通之甚也蓋以脹如鼓故
 謂之鼓脹以遭蠱毒而脹故謂之蠱脹若無脹字何得為
 病名乎皆是俗醫之妄陋也况蠱脹全非鼓脹之事乎

如謂單鼓氣鼓血鼓氣蠱血蠱鼓氣等是也俱見于下大凡

後世醫書中記藥名繁多此弊亦是醫家之陋習也若

皮稱陳皮青皮大腹皮稱腹皮類

張介賓曰少年縱酒無節多成水鼓又曰於諸鼓之中

則尤以酒鼓為最危難治之證景岳全書



孫一奎曰乃詰予曰鼓有蟲否乎又曰彼蠱證者中實

有物赤水玄珠

靈素所說雖不分水脹鼓脹而觀既有脹論又有水脹篇

則似微有意但由分辨不截然啓後世之不決耳如張介

賓徒是也

靈樞云脉之應于寸口如何而脹曰其脉大堅以瀆者

脹也曰夫氣之令人脹也在於血脉之中耶藏府之內

乎曰三一作者皆存焉然非脹之舍也曰願聞脹之舍

曰夫脹者皆在于藏府之外排藏府而郭胸脇脹皮膚

故命曰脹又曰脹者焉生何因而有曰衛氣之在身也

常然並脉循分肉行有逆順陰陽相墮乃得天和五藏

更始四時循序五穀乃化然後厥氣在下營衛留止寒

氣逆上真邪相攻兩氣相搏乃合為脹也脹論又云胃中

寒則腹脹腸中寒則腸鳴飧泄胃中寒腸中熱則脹而

且泄胃中熱腸中寒則疾饑小腹痛脹師傳又云脹取

三陽九鍼十又云腎氣實則脹本神

行余醫言

鼓脹

五

一本堂藏書

素問云胃脉實則脹虛則泄脉要精微論又云太陰所謂病

脹者太陰子也十一月萬物氣皆藏於中故曰病脹脉解

篇又云腎動則冬病脹腰痛刺要論又云陰并於下則足

寒足寒則脹也解精微論又云二陰一陽發病善脹心滿善

氣陰陽別論又云中熱脹六元正氣大論又云其病脹五常政大論又云

諸脹腹大皆屬於熱至真要大論又云盛而脹曰脹平人氣象論

張介賓曰腫脹之病原有內外之分蓋中滿者謂之脹

而肌膚之脹者亦謂之脹若以腫言則單言肌表此其

所以當辨也但脹於內者本由藏病而腫於外者亦無

不由乎藏病第藏氣之病各有不同雖方書所載有濕

熱寒暑血氣水食之辨然余察之經旨驗之病情則惟

在氣水二字足以盡之故凡治此證者不在氣分則在

水分能辨此二者而知其虛實無餘蘊矣病在氣分則

當以治氣為主病在水分則當以治水為主然水氣本

為同類故治水者當兼理氣蓋氣化水自化也治氣者

亦當兼水以水行氣亦行也此中玄妙難以盡言茲雖

條列如左然運用之法貴在因機通變也景岳全書

又曰病在氣分者因氣之滯如氣血之逆食飲之逆寒熱風濕之逆氣虛不能運化之逆但治節有不行者悉由氣分皆能作脹凡氣分之病其色蒼其內堅其脹或連胸脇其痛或及臍腕或倏而浮腫者陽性急速也或自上及下者陽本乎上也或通身盡腫者氣無不至也有隨按而起者如按氣囊也然此雖皆氣分而氣病有不同故有氣熱而脹者曰諸脹腹大皆屬於熱也有氣寒而脹者曰胃中寒則臍脹曰藏寒生滿病也有氣濕而脹者曰諸濕腫滿皆屬於脾也有氣虛而脹者元氣虛也曰足太陰虛則鼓脹也有氣實而脹者邪氣實也曰腎氣實則脹曰脾氣實則腹脹曰胃氣實則脹也凡此雖皆脹病而治之之要則全在察其虛實大都陽證多熱熱證多實陰證多寒寒證多虛先滯於內而後及於外者多實先腫於表而漸及於內或外雖脹而內不

脹者多虛小便紅赤大便祕結者多實小便清白大便稀溏者多虛脈滑有力者多實弦浮微細者多虛形色紅黃氣息粗長者多實形容憔悴聲音短促者多虛年青少壯氣道壅滯者多實中衰積勞神疲氣怯者多虛虛實之治反如水炭若誤用之必致害矣同上又曰病在水分者以陰勝陽而肌膚皆腫此與氣證本有不同凡欲辨水氣之異者在欲辨其陰陽耳若病在氣分則陽證陰證皆有之若病在水分則多為陰證何也蓋水之與氣雖為同類但陽主則氣化而水即為精陽衰則氣不化而精即為水故凡病水者本即身中之血氣但其為邪為正總在化與不化耳水不能化因氣之虛豈非陰中無陽乎此水腫之病所以多屬陽虛也此張氏據素靈為強辨如是吁氣水何同類也且在氣熱氣寒氣濕不言虛實而特於氣虛氣實言元氣虛邪

氣實別之者抑何耶熱寒濕而脹者虛乎實乎非虛亦非實乎何其說之不通乎皆由漫信素靈護短徇謬不知其妄之所致也

况靈樞說五臟六腑諸脹支離乃為濫名之始如心脹肺脹肝脹脾脹腎脹

靈樞云願聞脹形曰夫心脹者煩心短氣臥不安肺脹者虛滿而喘欬肝脹者脇下滿而痛引小腹脾脹者善噦四肢煩悅體重不能勝衣臥不安腎脹者腹滿引背

央央然腰解痛論

胃脹大腸脹小腸脹膀胱脹三焦脹膽脹

又云六腑脹胃脹者腹滿胃脘痛鼻聞焦臭妨于食大便難大腸脹者腸鳴而痛濯濯冬日重感于寒則飧泄不化小腸脹者少腹腹脹引腰而痛膀胱脹者小腹滿而氣癢三焦脹者氣滿于皮膚中輕輕然而不堅膽脹者脇下痛脹口中苦善大息

脈脹膏脹

行餘醫書

鼓脹

八

一本堂藏書

又云營氣循脉衛氣逆為脉脹衛氣並脉循分為膚脹
同按水脹篇水與膚脹鼓脹連說而水脹鼓脹不可別
 也今據是條則膚脹亦鼓脹之一名耳
 及脹滿

又云有寒則臌脹滿雷引百病始生篇又云是動則病肺脹

滿臌臌而喘欬缺盆中痛甚則交兩手而瞀此為臂厥

經脉篇又云盛則脹滿寒中食不化虛則熱中出糜少氣

溺色變禁服篇又云胃中寒則脹滿經脉篇○又癩狂篇

素問云胃病脹滿標本病傳論又云惡血留內腹中滿脹經脉篇

論又見厥論

臌脹

靈樞云胃病者腹臌脹胃脘當心而痛上支兩脇膈咽

不通食飲不下邪氣藏府病形篇又云入於腸胃則臌脹百病始生

篇又張論

素問云濁氣在上則生臌脹陰陽應象大論又五藏生成篇又風論厥論腹中論

臌滿

行餘醫書

鼓脹

九

一

素問云入五藏則臍滿閉塞下為飧泄太陰陽明論○六元正紀大論

有臍憤字又至真要大論論有肺臍腹大滿膨膨

中滿

又云先病而後生中滿者治其標先中滿而後煩心者

治其本又云先熱而後生中滿者治其標標本病傳論又云

氣鬱中滿又云中滿身重六元正紀大論又出陰陽應象大論氣交變大論云飲數

中滿又五常政大論云中滿不食又至真要大論○又見靈樞衛氣篇

滿病

臌脹

又云藏寒生滿病異法方宜論

又云心腹滿熱臌脹又云臍憤臌脹六元正紀大論

暴脹

又云邪客於足少陰之絡令人卒心痛暴脹繆刺論

靈樞云所治者頭痛眩仆腹痛中滿暴脹衛氣篇

其後如脾脹

金匱方論云欬而喘不渴者此為脾脹其狀如腫發汗

行餘醫書

鼓脹

十

一本堂藏書

即愈○病源候論云脾脹病有是脾虛為風邪所乘正
 氣與邪氣交結令脾氣不宣暢擁聚而脹也其病喜噦
 四肢急體重不能勝置也今按後說與靈樞同前說與
 靈樞異故別舉之○金匱方論有肺脹乃欬之謬名已
 在欬嗽門辨之故不復贅

氣分

金匱方論云氣分心下堅大如盤邊如旋杯水飲所作
 又云寒氣不足則手足逆冷手足逆冷則營衛不利營

衛不利則腹滿脇鳴相逐氣轉脇朮營衛俱勞陽氣不
 通即身冷陰氣不通即骨疼陽前通則惡寒陰前通則
 痺不仁陰陽相得其氣乃行大氣一轉其氣乃散實則
 失氣虛則遺溺名曰氣分○前說屬水脹後說屬鼓脹
 仲景固混言而無辨按醫宗必讀證治準繩俱說氣分
 血分水分亦皆水脹而非鼓脹

心腹脹

出病源候論

氣脹。

見千金方。又外臺祕要所引范汪方延年方近効方廣

濟方皆同。○按此本出素問脉要精微論云下盛則氣脹。

蠱脹。

已見上。即因蠱毒而脹者也。而後世百一選方證治要

訣先醒齋筆記醫學綱目丹臺王案等皆同鼓脹用者

誤矣。

穀脹。

見仁齋直指又醫學入門等皆同。

谷脹。

三因方云內經有鼓脹太素作谷脹。

血脹。

出丹溪心法附餘又仁齋直指婦人良方古今醫統等

皆同。

寒脹熱脹。

同上。又張介賓類經註醫宗必讀證治準繩等皆同。

行餘醫言

鼓脹

十二

一林堂藏書

大熱脹。入米。今。黃。特。示。出。赤。水。玄。珠。

風脹。暑脹。濕脹。實脹。虛脹。痰脹。

俱見醫學入門。又證治準繩畧同。以。身。古。今。醫。論。單。腹。脹。

丹臺玉案古今醫統景岳全書萬病回春證治大還皆云蓋其本出于朱震亨。

單單腹腫

見三因方云婦人血癭單單腹腫

食脹

醫學入門云因食肉果菜不化曰食脹

蟲積脹。瘀血脹。

並同上。

七情脹

見證治準繩

小腹脹

行餘醫言

鼓脹

十三

一林堂藏書

醫學綱目證治準繩並云

胎前脹產後脹

見醫學綱目

單鼓脹

出丹臺玉案

單鼓

丹溪心法附餘云鼓脹又名單鼓又見賀岳醫經大旨

氣鼓

丹臺玉案萬病回春景岳全書等皆云
氣蠱石蠱

三因方云婦人脾氣血氣血蠱氣蠱水蠱石蠱

水蠱

出肘後方

水蠱

見張介賓類經註又景岳全書作水鼓

血鼓

丹溪心法附餘丹臺玉案赤水玄珠皆云

血蠱

水今遺失其文景安全書亦不載

已見上

云婦人血結胞門或為癥瘕在腹脇間心腹脹滿腫急如石水狀俗謂之血蠱

食鼓熱鼓風鼓勞鼓濕鼓疴鼓蟲鼓

王夢蘭祕方集驗云鼓證有十氣鼓食鼓熱鼓風鼓勞

鼓濕鼓蟲鼓血鼓疴鼓止九種闕一種

蟲蠱

陳治證治大還云腹脹大四肢瘦削腹中有塊唇紅腹

痛多嗜肥甘此蟲蠱也

蜘蛛蠱

醫學入門云若單腹腫大而四肢極瘦者名蜘蛛蠱

蜘蛛病

證治要訣云蠱與鼓同以言其急實如鼓非蠱毒之蠱也俗謂之膨脝又謂之蜘蛛病

鼓

見上

蠱

見上

鼓氣

出仁齋直指又見醫壘元戎

蠱氣

見古今醫統

鼓疾

出赤水玄珠

鼓腫

見萬病回春

酒鼓

景岳全書云於諸鼓之中則尤以酒鼓為最危難治之

證

十種鼓

見上

十種蠱氣

行余醫書

鼓脹

十六

一本堂藏書

出古今醫統

二十四種蟲證

同上

膨脹

見上

食晦

千金方云腹中氣脹引脊痛食飲多身羸瘦名曰食晦

倒飽

醫學入門云一般中滿證稍輕俗云倒飽
梭子氣等

古今醫統云氣壅腹脹如鼓俗呼為梭子氣又謂之單
腹脹○以上三條尤杜撰之謬名也

皆是濫稱無益治事況且類證輕候亦皆混雜不別反惑
聽聞古今醫人作為醫書既皆依樣胡盧乃於此證亦漫
說種種治法曾無一人決斷此證必死不治非術可救可
勝歎哉若素問始用雞屎醴乃啓後醫之冥搜者也

素問云問曰有病心腹滿且食則不能暮食此為何病
 對曰名為鼓脹曰治之奈何曰治之以雞屎醴下劑知
 二劑已○按此法未詳故晉唐之間未聞有論及者而
 李時珍引普濟方等言其效尤可疑也詳見本艸綱目
 又見古今醫鑑
 特方廣曰鼓脹之病多不治者如翻胃勞瘵亦然皆真臟
 病也是言得之原書云此病不治者多矣又言
 見丹溪心法附餘
 但有腹脹一證蓋似而非者也多在婦人其證三十以上

腹脹或短氣或微熱少食腹或堅或軟或痛或不痛月血
 有通有不通若日數未久未經誤治者灸藥善中肯綮則
 可救活以其非真鼓脹也若治不中窾連綿日久肉已脫
 目下足脛浮腫者不可治也是證男子間亦有之但少耳
 靈素或云腹脹或云腹滿多與水脹鼓脹混說辨別不明
 靈樞云胃中寒則腹脹師傳又云心痛腹脹嗇嗇然大
 便不利雜病又云在腸胃之時責響腹脹百病始又云
 責響腹脹是謂肝厥經脈又云是動則病舌本強食則

嘔胃腕痛腹脹善噫得後與氣則快然如衰身體皆重

上又云邪在腎則病骨痛陰痺腹脹腰痛大便難肩背

頸項痛時眩五邪篇又云振寒洒洒鼓頷不得汗出腹脹

煩悅寒熱病篇又云腹脹身熱脉大是一逆也腹脹便血其

脉大時絕是二逆也玉版篇又厥病篇

素問云形有餘則腹脹淫澀不利志有餘則腹脹飧泄

調經論又云脉盛皮熱腹脹前後不通悶瞖此謂五實玉機

論又云有病膺腫頸痛胃滿腹脹此為何病何以得

之曰名厥逆腹中論又云四季之月病腹脹煩不嗜食刺要

論又云春刺筋骨血氣內著令人腹脹四時刺逆從論又云食

則嘔腹脹善噫至真要大論又云三日腹脹標本病傳論又厥論

靈樞云水穀之海有餘則腹滿論海又云腎脹者腹滿引

背央央然腰髀痛胃脹者腹滿胃腕痛論腹又云腹滿大

便不利腹大亦上走胃噎喘息喝喝然又云腹滿食不

化腹嚮嚮然不能大便俱雜病篇又云泄而腹滿甚者死熱病

篇素問云虛則腹滿腸鳴飧泄食不化藏氣法時論又云厥

或令人腹滿陰氣盛於上則下虛下虛則腹脹滿又云
 陽明之厥則癩疾欲走呼腹滿不得臥大陰之厥則腹
 滿腹脹後不利不欲食少陰之厥則口乾溺赤腹滿心
 痛厥論又云腹滿腹脹支昂胠脇下厥上冒五藏生又云
 熱爭則腰痛不可用俛仰腹滿泄兩頷痛刺熱又云於
 此有人頭痛筋癢骨重怯然少氣噦噫腹滿時驚不嗜
 臥示從又云民病寒濕腹滿身臃憤附腫又云寒至則
 堅否腹滿六元正又云身面附腫腹滿仰息又云腹滿

痛澹泄又云皮膚否腫腹滿食減至真要又云病反腹
 滿腸鳴澹泄食不化又云病腹滿澹泄腸鳴又云病驚
 澹腹滿食飲不下寒中腸鳴泄注又云民病腹滿身重

濡泄氣交變又云其病腹滿四支不舉五常政大論又
 論虛實論或云腹脹滿靈樞癩或云稽

滿素問六元其他諸篇混雜不一讀者須審擇而取焉

又有徽瘡家用水銀輕粉五鳳等劫劑術背法律荏苒月
 日遂成腹脹者其證肉脫微熱少食大便澹泄唯腹單脹

不自醫

卷之十五

一本堂藏書

而後面與手足微腫此雖非鼓脹亦終致不起又徐春甫於腫脹後附陰腫證可謂贅也又別立蠱證明支離之極不足辨焉

見古今醫統

又有腸覃一證俗間所謂龜腹是也此證比比有之多是不產婦人在四十内外有之此雖不治之證而至有延及十年餘者以其大腹如龜鼈之甲有筋絡如鼈背故俗間謂之龜腹雖與靈樞所言有少不同而以大較同故用腸

覃名也

靈樞云腸覃何如曰寒氣客于腸外與衛氣相搏氣不得營因有所繫癖而内著惡氣乃起瘕肉乃生其始生也大如雞卵稍以益大至其成如懷子之狀久者離歲按之則堅推之則移月事以時下此其候也水脹篇

附字辨

鼓卽是鐘鼓之鼓與病何關以其脹外張内空如鼓皮故

于余醫言

鼓脹字辨

二十一

一本堂藏書

稱鼓脹且直用鼓一字乃醫人疎俗之所致不通之甚矣。蠱亦蠱毒之蠱與此病何關千金方始言蠱脹此謂因蠱毒而腫脹者也非鼓脹之謂也而後世不知是意以其音同通稱之者大謬也况直用蠱一字為鼓脹之事者益非也又張介賓類經註用臄普考字書無是字可謂大杜撰也。

一本堂行餘醫言卷之十六

香川修德太沖父著

疸丁幹切附黃胖

疸者黃病也即通稱黃疸者是已此疾其初眼中白所先黃漸及面皮手足胸腹背脊皆黃猶熟狗橘子色或如黃金色或如麩塵出或如煙薰色溺黃赤如藥汁如皂莢汁或有沫或齒垢黃或爪甲上黃或有汁出染衣正黃如藥汁又如庖子水染者醫書稱黃汗者是也間有涕唾亦黃

行餘醫言

疸

一

一本堂藏書

者或安臥或寒熱或渴或不渴或嘔或身痛或心中懊懷
 疼痛猶如火烘辣辣狀或心內熱足下熱或足脛腫滿或全
 身浮腫或頭眩心忪煩悶不安或小腹滿急或小便不利
 或額上黑大便正黑又有種種兼證蓋腹中痞熱鬱滯黃
 蒸發成黃色猶土室中蒸罈成麴生黃衣也其熱甚則不
 發黃熱微者亦不及發黃惟其不微不甚之間鬱熱外不
 發越內不瀉解腹內鬱滯淹屈薰蒸遂如盞麴發黃色也
 故傷風寒時疫熱後及瘧後餘熱不盡蒸發黃色者吉北

多凶北少諸病後亦然又諸病中間發黃者吉凶相半此
 元以內熱外發成黃解散也凡黃病能食安臥者至輕雖
 不用藥亦愈又有飽食多酒一旦發黃者此亦由熱鬱不
 久故多輕證古人稱急黃者異於是其證心滿氣喘所以
 多危若少腹滿急小便不利黃變為黑如煙薰煤垢者甚
 危醫書稱穀疸女勞疸黑疸者是也此皆由帶內虛而發
 黃也雖謂從酒得病曰酒疸從食得病曰穀疸從房勞得
 病曰女勞疸而究竟是三證皆本內虛也故多致不救凡

食漸少者。腹脹者。死。老人疸證亦多不起。若其謂黃疸。因食生黃瓜氣上蒸所致。

出陳言三因方

或謂誤食鼠糞亦作黃者。

見李時珍本艸綱目秦艸條所引崔元亮海上方

俱以偶然之事為常然也。尤不識病源之甚也。特朱震言

謂疸不用分其五。同是濕熱。如蠶麩相似。

出方廣丹溪心法附餘

此言獨為最約而近焉。惜乎偏執濕熱。立見也。今以鬱字

易濕字。則可謂一言以蔽疸證矣。原夫靈素止云黃疸。

靈樞云身痛而色微黃。齒垢黃。爪甲上黃。黃疸也。

又云水閉黃疸不能臥。

素問云溺黃赤安臥者黃疸也。又云目黃者黃疸也。

人氣象論又通評虛實論有黃疸字。又按玉機真藏論云煩心出黃。此黃未可定為疸病。故不帶舉。

又云胃疸。

素問云已食如饑者胃疸。又見神農本草。

行餘醫言

疸

三

一本堂藏書

又作黃瘧。

同上六元正紀大論○八十一難亦云黃疸。

自張仲景其名漸多。遂有五疸八疸九疸三十六種黃等。

種種煩目固非的要。今略摘錄。令知泛濫之無益。如黃疸。

金匱方論云。病黃疸發熱煩喘。曾滿口燥者。以病發時。

火劫其汗。兩熱所得。然黃家所得。從濕得之。一身盡發。

熱面黃。肚熱熱在裏。當下之。又云。脉沈渴欲飲水。小便

不利者。皆發黃。又云。腹滿舌痿黃。躁不得睡。屬黃家。舌痿

疑當身痿誤 又云。諸病黃家。但利其小便。假令脉浮。當以汗

解之。又云。黃疸腹滿。小便不利。而赤自汗出。此為表和。

裏實。當下之。又云。黃疸病。小便色不變。欲自利。腹滿而

喘。不可除熱。熱除必噦。又云。疸而渴者。其疸難治。疸而

不渴者。其疸可治。

傷寒論云。陽明病發熱汗出。此為熱越。不能發黃也。但

頭汗出身無汗。劑頸而還。小便不利。渴引水漿者。此為

痰熱在裏。身必發黃。茵陳湯主之。又云。大陽病中風。以

火劫發汗邪風被火熱血氣流溢失其常度兩陽相熏
 灼其身發黃又云得病六七日脉遲浮弱惡風寒手足
 溫醫二三下之不能食而脇下滿痛面目及身黃頸項
 強小便難者與此胡湯又云若不結胸但頭汗出餘無
 汗劑頸而還小便不利身必發黃也又云傷寒脉浮而
 緩手足自溫者是為繫在太陰太陰者身當發黃若小
 便自利者不能發黃又云陽明病無汗小便不利心中
 懊懺者身必發黃又云陽明病被火額上微汗出小便

不利者必發黃又云陽明中風脉弦浮大而短氣腹都
 滿脇下及心痛又按之氣不通鼻乾不得汗嗜臥一身
 及面目悉黃小便難有潮熱時時噦又云傷寒發汗已
 身目為黃所以然者以寒濕在裏不解故也以為不可
 下也於寒濕中求之又云傷寒七八日身黃如橘子色
 小便不利腹微滿者茵陳蒿湯主之又云傷寒身黃發
 熱者厄子蘗皮湯主之又云傷寒瘀熱在裏身必發黃
 麻黃連軹赤小豆湯主之又云傷寒頭痛翕翕發熱形

象中風常微汗出自嘔者熏之則發黃不得小便又云
 傷寒脉陰陽俱緊惡寒發熱則脉欲厥如此者惡寒甚
 者翕翕汗出喉中痛熱多者目赤脉多睛不慧若熏之
 則身發黃其他如云衛氣衰面色黃云復加燒鍼因胸
 者易愈云太陽病身黃脉沈結少腹鞭小便不利者為
 無汗也云風濕為病脉陰陽俱浮自汗出身重多眠睡
 息必鼾語言難出若彼火者微發黃色云濕家病身上
 疼痛發熱面黃而喘云濕家之為病一身盡疼發熱身
 色如似熏黃類不可悉
 舉須參考以知其詳

黃。

見上

穀疸。

傷寒論云陽明病脉遲食難用飽飽則微煩頭眩必小
 便難此欲作穀疸雖下之腹滿如故所以然者脉遲故
 也

金匱方論云風寒相搏食穀即眩穀氣不消胃中苦濁
 濁氣下流小便不通陰被其寒熱流膀胱身體盡黃名
 曰穀疸又云穀疸之為病寒熱不食食即頭眩心胸不

李慶方論微發

行餘醫言

疸

六

一

安久久發黃為穀疸○肘後方病源候論千金方外臺
秘要所引范汪方集驗方刪繁方以下皆同○又曰穀

黃見本草綱目白鮮皮條所引甄權云

女勞疸

金匱方論云額上黑微汗出手足中熱薄暮即發膀胱
急小便自利名曰女勞疸腹如水狀不治又云黃家日
晡所發熱而反惡寒此為女勞得之膀胱急少腹滿身
盡黃額上黑足下熱因作黑疸其腹脹如水狀大便必

黑時澹此女勞之病非水也腹滿者難治外臺秘要引仲景傷寒論

云云文有小異作腹臃脹滿又作黑瘰方後云肘後小品崔氏文仲千金范汪深師並同出第十四卷中

病源候論千金翼方外臺秘要所引近効方必効方以

下皆同○又曰勞疸見肘後方外臺秘要又曰勞黃見本

草綱目白鮮皮條所引甄權云又曰色疸楊士瀛仁齋直指云色疸一名女勞又曰女疸

見肘後方

酒疸

又云心中懊懣而熱不能食時欲吐名曰酒疸又云夫

病酒黃疸必小便不利其候心中熱足下熱是其候也

又云酒黃疸者或無熱請言了了腹滿欲吐鼻燥其脉

浮者先吐之沈弦者先下之又云酒疸下之久久為黑

疸目青面黑心中如噉蒜齏狀大便正黑皮膚爪之不

仁其脉浮弱雖黑微黃故知之○肘後方病源候論千

金方外臺秘要所引溪師方以下皆同○又曰酒黃本見

草綱目白鮮皮條所引甄權云

黑疸

見上○病源候論千金方千金翼方外臺秘要所引肘

後方范汪方溪師方集驗方剛繁方文仲方崔氏方以

下皆同○又曰黑黃本草綱目鬼臼條所引三十六黃方云黑黃面黑黃身如土色不妨

食脉沈若青脉入口者死

黃汗

金匱方論云問云黃汗之為病身體腫一作重發熱汗出

而渴狀如風水汗沾衣色正黃如蘗汁脉自沈何從得

之師曰以汗出入水中浴水從汗孔入得之又云黃汗

之病兩脰自冷假令發熱此屬歷節食已汗出又身常
 暮臥盜汗出者此勞氣也若汗出已反發熱者久久其
 身必甲錯發熱不止者必生惡瘡若身重汗出已輒輕
 者久久必身瞶瞶即胸中痛又從腰以上必汗出下無
 汗腰髖弛痛如有物在皮下狀刺者不能食身疼重煩
 燥小便不利此為黃汗○肘後方病源候論千金方外
 臺祕要所引范汪方深師方備急方經心錄古今錄驗
 張文仲方以下皆同○按醫燈續焰云黃汗一證仲景

外臺祕要物
 作蟲標作誤

金匱要畧收入水氣病中其主治與治疸亦自懸絕後
 人以其汗黃遂列為五疸之一實非疸也今本文既云
 五疸則黃汗在其中似不可移去姑從之而論治仍從
 要畧在圓機者自為識別可也今考金匱方論蓋意黃
 汗二條錯入水氣病中耳黃汗實是疸證驗諸今日病
 者治法顯然無可疑者金匱元是蠹餘亂簡况儒臣校
 正不知改徒存舊乎何更容議潘楫偶見在水氣門中
 為此說由其不知誤混也且金匱無五疸名要畧亦非

仲景自命者而云本文既云五疸云仲景金匱要畧其
疎失自可見矣結語亦且含糊何足取乎哉

濕疸。

出神農本草假蘇石葦石蠶等條又見病源候論千金方千金翼

方○又曰濕黃見仁齋直指又本草綱目阿勃勒條所引陳藏器云

內疸。

見名醫別錄知母又病源候論稱內黃

脾疸。

同上通草條○又見千金翼方

五疸

出神農本草紫草後世五疸之名所由起也按肘後方

疸病有五種謂黃疸穀疸酒疸女疸勞疸也又千金方

云黃有五種黃汗黃疸穀疸酒疸女勞疸

八疸

同上白英又見名醫別錄栝樓名目並未詳

九疸

行餘醫言

疸

十

一

病源候論云夫九疸者一曰胃疸二曰心疸三曰腎疸
 四曰腸疸五曰膏疸六曰舌疸七曰體疸八曰內疸九
 曰肝疸又外臺祕要所引古今錄驗九疸秦王散云胃
 瘰心瘰腎瘰脾瘰肺瘰膏瘰舌瘰肉瘰髓瘰肝瘰又按
 千金翼方秦王九疸散胃疸心疸腎疸脾疸膏疸膏一
作肺
 舌疸肉疸髓疸肝疸

三十六種黃

見外臺祕要所引救急方

又聖濟總錄纂要云三十六
黃心黃肝黃脾黃肺黃腎黃

鬼黃、女媧黃、血黃、人黃、髓黃、癩黃、急黃、氣黃、癩黃、白黃、陰
 黃、膽黃、驚黃、風黃、走精黃、酒黃、雞黃、蛇蚘黃、火黃、走馬
 黃、房黃、黑黃、厭黃、水黃、瓜黃、腸黃、犢黃、氣黃、猪黃、土黃
 蝦蟇黃、○蛇蚘當作蚘、今按氣黃有二、必是一誤、又
 瘰陰元同、此
 亦當有一誤

五色黃

出病源候論又外臺祕要所引救急方云療諸黃闇黃
 眼闇及大角赤黑黃先擲手足內黃患渴疸黃眼赤黃
 腎黃小便不通氣急心悶五色黃

胎疸

出病源候論

急黃

同上云脾胃有熱穀氣鬱蒸因為熱毒所加故卒然發黃心滿氣喘命在頃刻故云急黃也有得病即身體面目發黃者有初不知是黃死後乃身面黃者其候得病但發熱心戰者是急黃也千金方外臺祕要所引廣濟方必効方延年秘錄近効方許仁則方以下皆同○又

稱五般急黃

本草綱目山豆根條所引備急方云

陰黃

同上云陽氣伏陰氣盛熱毒加之故但身面色黃頭痛而不發熱名曰陰黃○外臺祕要引之作瘥黃且所引廣濟方必効方並同又必効療瘥黃汗浹衣涕唾黃者

方後云備急肘後張文仲淡師同

本草綱目麗春艸條所引蕪頌云瘥黃黃

疸○景岳全書云黃疸之大要有四曰陽黃陰黃表裏發黃膽黃知此四者則黃疸之證無餘義矣此亦未盡也

心疸

見上○又曰心黃

本草綱目阿勃勒條所引陳藏器云

虜黃。時後方云比年有虜黃病。

腎疽。舌疽。體疽。肝疽。肺疽。髓疽。

俱見上。

膏疽。

見上。又見千金翼方外臺祕要。按外臺祕要作膏瘡。

肉疽。

見上。又千金方云肉疽飲少小便多如白泔色此病得

之從酒。千金翼方同如白作白如外臺祕要亦同作白如又外臺祕要引之方後云古今錄驗深師並

同。

犯黃腦黃行黃癖黃噤黃胞疽。

俱見病源候論。

風疽。

出千金方千金翼方又病源候論曰風黃疽又稱風黃

時行黃疽。

見千金翼方又曰天行黃疽。本草綱目伏雞子根條所引陳藏器云。

行餘醫言

疽

十三

才堂齋書

赤疽馬黃本草綱目又曰天行黃疽並出外臺秘要所引刪繁方

白疽本草綱目又曰天行黃疽

風同上又曰白黃本草綱目當歸條所引三十六黃方云白黃色枯舌縮恍惚若語亂者死

飲黃疽本草綱目

同上所引古今錄驗云酒癖及飲黃疽

熱疽

見仁齋直指又曰熱黃本草綱目白鮮皮條所引甄權云又白蒿條孟詵云

火黃

同上又見本草綱目紫草條所引三十六黃方

脾腎病

三因方云女勞疽也謂脾腎病者即此證也此稱呼之尤僻者也

癖疽

同上

久黃

行餘醫言

疽

十四

本草綱目

見醫學正傳醫宗必讀古
今醫統並同

濕熱黃瘀血黃

並出皇甫中明醫指掌圖

瘟黃

明醫雜著云時氣發熱變為黃病所謂瘟黃也

癩黃

見本草綱目艾條所引三十六黃方云癩黃如金好眠

吐涎

走精黃

同上牛脂條所引三十六黃方云走精黃病面目俱黃

多睡舌紫甚面裂若爪甲黑者死

結黃

同上千里及條所
引陳藏器云

乾黃

同上阿勃勒條所
引陳藏器云

五般急黃

了餘醫言

疸

十五

才堂藥書

同上山豆根條所引備急方云

陽黃

出景岳全書

氣黃

見萬病回春

虛黃

出秘方集驗又見明醫指掌圖

食黃

同上神農本草經注

穀黃勞疸勞黃色疸女勞女疸酒黃疸酒黃黑黃癢黃心

黃內黃腸疸風黃疸風黃濕黃天行黃疸白黃熱黃闇黃

疸黃腎黃等諸名

俱皆見上

紛紛刺名不勝逐辨總皆無益于治事惟舉一疸而足矣

若夫輕重緩急則萬病皆同何獨於茲乎又若載思恭附

面黃證此皆大血虧之今面黃蓋血虧之證也

證治要訣云諸失血後多令面黃蓋血為營面色紅潤者血榮之也血去則面見黃色譬之竹木春夏葉綠遇秋葉黃潤與燥之別也亦有徧身黃者但黃不及耳目張介賓立膽黃條俱不過強出奇異妄誇多項耳

景岳全書云膽黃證凡大驚大恐及鬪毆傷者皆有之嘗見有虎狼之驚突然喪膽而病黃者其病則驟有酷吏之遭或過害之慮恐怖不已而病黃者其病則徐如南北朝齊永明十一年有大學士魏準者因惶懼而死

舉體皆青時人以為膽破即此之類又嘗見有鬪毆之後日漸病黃者因傷膽而然其證無火無濕其人則昏沈困倦其色則正黃如染凡此數證皆因傷膽蓋膽傷則膽氣敗而膽液泄故為此證經曰膽液泄則口苦胃氣逆則嘔苦故曰嘔膽氣猶此也且膽附於肝主少陽春生之氣有生則生無生則死故經曰凡十一臟皆取決於膽者正以膽中生氣為萬化之元也若此諸證皆以膽傷膽傷則生氣傷生氣既敗其能生子所以凡患



此者多致不救。然當察其傷之微甚。速救其本。猶可挽回。而鍊石補天之權。則操之醫之明者。又若婁英王肯堂。加目黃條。此謂止目黃。而不及身面也。乃疸中之輕者耳。不須別舉。

醫學綱目云。經云。目黃者。曰黃疸。然亦有目黃而身不黃者。故宜別立篇門。○證治準繩文亦同。

又若小兒疸。婦女疸。固無治療之異術。至產後疸。亦但須詳日之遠近。斟酌之。又有胎黃證。此乃初生小兒之病。詳

見兒科

黃胖者。謂農民畏糞氣而病者也。蓋糞氣之濃厚猛烈也。自外面侵襲束縛。而血為之退蔽。畏縮不得出榮。故使身面黃白浮腫。手足爪甲枯皺。反揭。雖裏面之表。亦為糞氣所淹。押使呼吸不快。故專為短氣。或口淡。或口苦。或脚酸弱。或身體倦怠。以其自外襲成。故心不甚惡。且目中淡白。非如疸人眼中藥汁色。但疸人色純黃。此證則其黃帶白耳。又疸者暴病多。此證緩病多。是以雖久不愈。死者至稀。

以其非虛證也。此病以首認氣急爪反為第一證。決即是黃胖也。或有疑畏糞說者。予曰。此甚易曉。猶畏漆一般也。夫人性不一樣。畏與不畏。大有這庭。不畏漆之人。旦暮觸漆。從事於塗飾。無少異也。畏之者。不啻生漆。雖觸新器。亦發痒生瘡。身面通赤。甚至糜爛。此由漆氣擾血。故發痒。其色赤。畏糞者。亦何異於是乎哉。不畏者。日夕稼穡。冒履肥糞。曾無少異。乃農民之常也。畏之者。偶患是證。耳即與畏漆同。復何疑焉。近時雖城市士大夫。商家男女。亦間見

有往來田家患之者。而世間俗諺有言。黃胖不上貴。勞瘵不下賤。由是槩謂是證。農民感糞之疾。而非貴家富人之所患。皆作疸治。淹久不瘥。延綿歲月。此由察視不詳也。苟能審診證狀。則可治之。不難也。是證方書槩以飽食硬食。食積蟲積。食勞脾勞為說者。皆由不得根窮也。或謂有吐黃水。喫生米。茶葉黃泥。黑炭者。此以疴病似是證。故混視如此也。其謂食勞黃。

儒門事親云。一男子病疸。善食而瘦。四肢不舉。面黃無



力蓋脾疸之證濕熱與宿穀相搏故也俗謂之食勞黃
食勞疴黃

醫學綱目證治準繩並云食勞疴黃一名黃胖夫黃疸
者暴病也故仲景以十八日為期食勞黃者宿病也至
有久不愈者故宜別立篇門陳治證治大還亦從之按
此名元出衛生寶鑑

脾勞黃病

見本草綱目鍼沙條所引摘玄方

酒麪黃者皆然

醫學綱目云酒麪黃用絲瓜連皮子燒灰因麪得病麪
湯調下因酒得病酒調下

獨戴思恭稱農民黃腫病者為得之

見證治要訣

或又曰胖病

出萬病回春

或只曰黃腫病

行餘醫言

疸

二十

才堂病書

古今醫統以外皆同

或只曰黃腫

丹臺王案以外皆同

然而只曰黃腫則疸證之腫者亦皆可謂黃腫也以其近
泛濫故今定用黃胖名諸書惟孫文胤說為尤詳矣雖非
所用姑記以備考

丹臺王案云黃腫之證多因蟲積食積之為害也或偶
吞硬食過多礙其脾家道路經久不消脾胃失運化之

權濁氣上騰故面部黃而且浮手足皆無血有蟲者又
吐黃水毛髮直指肌膚不澤且好食生米茶葉之類者
是也若腫及四肢者難治腫及腹者不治飲食減少者
不治此以疝疾之似者混說不可取用

又若王壘以黃腫黃胖分立二條者大非也

見醫林集要

又若陳治謂以飲銅山下水發黃為黃胖亦未深考故也
證治大還云某開銅山於英德其山下有水人浣其衣

則臍垢皆去皆以為奇造之物也以其近便炊爨皆用之未幾人皆黃胖

此非黃胖即銅坑下流之水使人飲之色黃白殆如胖病耳蓋土氣害之也固有氣急之候記享保子西海道南海道山陽道山陰道蝗饑人多死民無食物盡掘葛根造粉為餅食之後葛根竭遂掘蕨根造粉為餅食之平時造法極精製者人食之曾無毒害時及饑餓不暇精制歷日粗造帶土氣充枵腹故其民皆色黃白浮腫腹滿氣急如

黃胖而斃此亦似黃胖而非者也乃土氣使之然也又諸州有金銀銅鐵坑處所視其鑛夫色皆黃白氣急如黃胖人不數年盡死蓋入土坑中土氣侵襲使色黃白猶畏漆畏糞之意也又掘砥礪坑中夫其色亦如此此亦同被土坑中氣襲侵而然以上皆色似黃胖而非黃胖之證也故畧書以備考

附字辨

說文云。疸黃病也。一言甚明矣。固不須添黃字也。而素問以來。添著黃字者。贅也。後世王肯堂云。疸者單也。單陽而無陰也。見謹治準繩此何其鑿而戾乎。又外臺祕要以瘧字相通。用康熙字典云。前漢嚴助傳。南方暑濕。近夏瘧熱。註顏師古曰。瘧黃病。音丁幹反。又前漢藝文志。瘧十二病。方四十卷。註師古曰。瘧黃病。音丁韓反。由是觀之。以疸瘧音同。故互相通用耳。而說文瘧勞病也。爾雅釋詁。瘧勞也。此古

義也。而按素問云。脾瘧。王冰註曰。瘧謂熱也。奇病論又云。消

瘧。王冰註曰。消謂內消。瘧謂伏熱。通評虛實論又云。瘧成為消

中。王冰註曰。瘧謂濕熱也。脉要精微論又云。瘧瘧。王冰註曰。瘧

熱也。瘧論此皆謂熱也。蓋以非有熱則不得成脾瘧。消瘧且

謂但熱而不寒為瘧瘧。觀之可以見矣。或云勞。或云熱。固

不近。黃義決勿易。疸字用之為極是矣。正字通云。瘧疸音

同。義別。六書故。疸通作瘧。誤為尤得之瘧。又與瘧同。此亦

不可用。又作瘧。字彙云。音黃。疸病。康熙字典亦同。而正字

了。余醫言。瘧字辨。二十三。一才堂書

通云俗字當從之。又癢字彙正字通康熙字典俱云心病見釋典佛母大孔雀明王經三家皆不詳于醫書故踈失。至于是矣。肘後方外臺祕要並有癢字何遠覓于釋典乎。一作癢然癢黃元無義理直以陰黃為佳。又胖蒲官切音槃正字通云方言謂體肥曰胖後世俗義以為浮脂意即胖大是也。今欲與疳易別故用俗稱。

治法疳證全宜茵陳五苓湯此乃通用的當之劑也。輕者亦同。若大便秘結者宜茵陳蒿湯主之。其他宜審察兼證擇用的方及新處方劑。又俗間用煮蜆汁可治輕證。茵陳五苓湯。

茵陳 猪苓 茯苓 澤瀉 白朮 桂枝 附子 伏苓

右剉水二合煎取一合分二三服。○金匱方論元以茵陳蒿末十分五苓散末五分二品相和飲。今皆為湯服。

尤佳

茵陳蒿湯

茵陳蒿

大厄子

大黃

右剉水二合煎取一合分二三服小便當利溺如皂角

汁狀色正赤一宿腹減黃從小便去也或大便泄下二

三行諸證與黃俱減

厄子藥皮湯

厄子 藥皮 甘草

